



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1656

§. 197. At illi magis clamabant, crucifige eum. v. 14.

urn:nbn:de:hbz:466:1-45533

to: quid enim mali fecit homo, qui ante lapsum Adæ & suum ita addicitur inferno?

O Deus, video quod non solum tempore tue passionis fuerint homines, qui te innocentem addixerint cruci, sed etiam modo, sint, qui hoc præterea mali agunt quod populo persuadeant te tales esse Tyrannum, qui crucifigas & crucifigi velis eos qui n'nil adhuc mali fecerunt. Et hi volunt dici Christiani. Vere peiores sunt ipso Pilato gentili.

§. 197. At illi magis clamabant, crucifice eum. v. 14.

Hic novum animaduerto strategema passionibus suis indulgentium fræna: nam quod ratione nequeunt efficere, clamore, turbulentia & impetu efficere conantur. Non est ipsum inuentum nostro tempore inusitatum, sed tu, Domine, in te ostendisti, quomodo talia tela vinci possint, à subditis, & simul demonstrasti, quam male Prælati & Magistratus ad talia commenta conniveant, & quo perducantur, si talia sequantur.

O Deus, da obsecro Magistratui gratiam, i... machinationibus eorum iustitia perueratur: da etiam miseris, qui talibus opptimuntur, patientiam hic, & postea vitam æternam.

§. 198. Pilatus autem, volens populo satisfacere, dimisit eis Barabbam. v. 15.

Iam videtur Pilatus consensisse iniuitati. Vide anima mea, quomodo Homo qui initijs non attendit pauplari decidat, & sensim torrente mortis humani abripiatur. Hoc erat profundum illud quod in prælatione timuerunt semper prudentes & sancti. ne videlicet ab his quos regere debebant abriperentur ut nauis à fluminis imperu. Ecce Pilatus abreptus est clamore & importunitate, verba iniquorum prævaluerunt super eum. Loquamur igitur ad cor Hierusalem ut fructus inde promanans animis nostris medeatur. Vere indignum commercium, dum latronem, mortis ministrum, vitæ datori, vitæque ipsi præferimus. Quod tamen pecando perpetramus, nunquid igitur merito, sicut Iudeis, fructus tam iniqua petitionis nobis quoque adhæret, qua diabolum mortis Principem ut illi Barabbam, eligimus? quam tamen frequenter etiam hic error committitur, ut Barabbas Christo præferatur, quando in electionibus, officijs & promotionibus indigni dignis præponuntur; & in actionibus eligitur potius malum, quam bonum.

Et tu anima mea speculum hoc diuinæ bonitatis attende in quo charitatis, patientiæ, humilitatis exempla resplendent: & disce non indignatio quando indignioribus postponaris, cum Dominus Iesus, sponsus tuus, præ participibus suis à Deo dilectus, præ nequissimis fuerit à Iudeis despctus.